

金溝溫氏族譜序

愚按程子曰管攝天下人心須是明譜系又曰修宗族厚風俗於朝廷亦有所益焉此譜法之所由生也故老泉蘇氏自明其譜牒後人倣之使人家各知來處至我朝文明之治益彰益明斯規亦著各家甲乙之族派系事蹟班班自在蓋由譜法之嚴明者也故五百年來道學淵源忠勲冠冕之家來歷昭著人皆知其重且慎焉此乃管攝天下人心及於朝廷亦有所益焉兩句之謂歟大凡家譜猶國史也纂史亡氏職耳譜法亦稀觀焉何者蓋譜法實難得中筆法

不嚴則昭穆易紊筆法太甚則敦睦不成可不慎歟
可不重歟故爲此者必倣古人整齊於斯上承祖烈
下貽孫謨得全於嚴明譜規敦睦族親方可謂之譜
家一大規模也今者士人溫琦錫溫璜澤要余曰我
溫氏舊有譜失於龍蛇之火其後子孫孤子未得修
譜只傳家乘矣今才修譜則子其寫之以爲譜牒弁
文爲言余以拙辭豈肯贅焉料以琦錫璜澤之中枋
家譜能效古人譜法可尚其志故不得以終辭而考
諸溫氏來歷自劫叔虞以得姓暨新羅 武烈王時
有溫公君解殺身成仁追封大阿冷其後至麗朝

恭愍王朝有溫公諱信官至侍郎與李石灘鄭圓齋同
爲抗章貶巨野仍爲縣人此載在金溝邑誌巨野卽
金溝古號也其後子孫因居本縣足可爲滕薛大夫
而雖無烜赫之聞然揆其來歷可爲古家清族豈不
曰奇偉者哉噫人之門運豈以一時興替而言哉蓋
篤於孝友實盡於睦婣任恤以啓後來無竊之休則
此可謂厚風俗以至管攝天下人心予其勉之

崇禎甲申後五丁酉仲秋上泮通訓大夫行漢城
府主簿礪山后人宋奎燮謹序

金溝溫氏族譜序

不佞晚僑湖西之定山金溝溫生聖斗亦寓連墻與
同風塵苦樂一日以其門中丁酉所刊譜示不佞曰
吾溫最爲東方單寒之族別無文獻之可徵族人琦
錫璜澤慨然于茲始修此譜而草創已失之餘規例
或有未整予姓或有未收今將重修願丈人惠一言
以勉之乃就而按之叔虞之後封於溫是爲得姓源
因而新羅時有曰君解爲武烈王辨紀信之忠追贈
阿儼麗李有諱信官至右部侍郎嘗與李石灘存吾
鄭圓齋樞同疏極諫斥臈弄政得罪廢爲庶人于巨

野後孫世居焉卽今金澗縣南廢縣也遂沉滯不振

至 英廟戊申有曰升民敵愾討賊叅揚武原從勳

贈教官 旌忠閭而諸派從昆漸繁此其積屈將

伸之理也歟河南夫子曰管攝天下人心須是明譜

系橫渠張子曰宗法若立則人各知來處老泉蘇氏

曰觀於吾譜者孝悌之心油然而生此固譜法之所

以爲重而矧今萬古初有之變無君無父爲禽爲獸

將陷於地盡處則保有彝性者可不思所以救拔其

萬一乎是譜之重修於此日亦非偶然也苟能因此

盪釋緒業繼述諸公志事忠君孝親并行不廢而尊

聖敬長推極無弊則溫氏之大帥亦將基本於此矣

盍相勉旃

上之四十二年丙午二月上旬前嘉善大夫戶曹叅

判兼同知義禁府事

經筵特進官月城崔益鉉序

慶州溫氏譜系序

新羅真德王六年溫君解從武烈王入唐還至海上遇高句麗邏兵君解以高冠大衣坐船上邏兵誤以謂武烈殺之武烈得免焉王壯其忠贈大阿飡褒用其子孫世襲爵祿是貫慶州實我東溫氏之始也溫之為溫出自叔虞後封於溫曰以為氏姓云其說只載於私乘而無典據惟溫彥博兄弟著於唐朝高祖謂彥博曰我起晉陽為卿一門然則溫氏之為晉陽世族可知而晉陽曾為叔虞提封則溫出於叔虞之後又可徵焉但代序逸而不

傳以君解爲祖而又失其後自諱粹爲中祖粹之
後有成均進士諱璿自金溝移寓安義縣與鄭一
蠹托道義交爲士友所推今其雲仍之存歷三十
有奇永述君修爲譜乞一言以弁卷余惟曰譜所
以叙親親也勿云寡少苟相率而讀其譜遠者近
散者合百世猶一日則天之報施安知非此譜之
充宇汗馬也溫有金溝之溫其先實慶州而分其
貫不與同譜云

歲戊戌閏月上幹崇政大夫前議政府右贊成

完山李容元撰

族譜序後跋

尊祖宗修族親莫如譜也序昭穆繼家聲亦莫如譜也故古人之設譜法良有以也蓋我溫之源其來逖矣自封叔虞以後至新羅武烈王朝有諱君解追封大阿飡其後至高麗恭愍王朝有諱信官至右部侍郎與石灘李先生存吾圓齋鄭先生樞同爲抗章貶于巨野仍爲縣人此乃我溫之鼻祖也凡四傳至諱致恭分爲四家後昆不得繁衍亦無冠冕之烜赫然宗支派系尚傳家聲此非大理人事之窮通丕泰有不齊者亦有不墜者耶舊有譜屢經兵燹之餘

蕩失無餘曾未得踵成譜冊只傳各其抄來家乘則
非但不重其譜法以吾同祖之孫看成路人昧尊祖
宗修族親之本意使門子弟未免賀賀此所以爲慨
恨者耳故我王考進士公諱珽音爲是之懼經之
有年竟未得遂此余前日聞知於家庭者也今者以
修譜之意宗議詢同亦莫非人倫之所自出也噫凡
人各知有其身而不知其來處自先祖一身何者皆
忽於古人譜法之致也可不勉旃於斯也哉不佞以
無似猥掌校讎雖無所事於其間惟知責重竊有懼
焉今茲剞劂就緒本支源流昭載於一部簡編此可

爲吾家千百代金石書也豈非大幸也哉今於刊成
之日同我四家後昆奉審編冊則自侍郎公以來二
十代于茲昭穆秩秩宗支存存季悌之心油然而生
此河南夫子之謂修宗族厚風俗耶噫吾門後來從
知有譜法之所重嗣而輯之永傳家聲切冀切冀

丁酉仲冬上澣后孫通德郎琦錫謹跋

族譜序後跋

夫家之有譜猶國之有史國無史則年代與廢不可
攷家無譜則派系昭穆不可知故程子曰使人不忘
本須是明譜系張子曰宗法若立則人各知來處觀
於二先生之說則可知其修譜牒明世系大關於厚
風俗敦人紀惟我金溝溫氏侍郎公諱信卽吾鼻祖
也抗章被譴貶于亓野仍爲縣人亓野卽金溝古
縣也四傳至進士公諱致邁始爲分派其後孫參奉
公諱基南當壬辰之亂避禍於鳳儀洞而傳來譜牒
失於兵燹所存者世系也至于曾孫諱彥嶠與從弟

諱彥濟於茂朱赤裳山城我 朝國史謄抄修補之

時列邑守宰三南章甫同爲作苦故記同苦錄一編

至今傳來世襲簪纓又有成均生員公諱必晉成均

進士公諱彪家聲趾美文章顯名門戶光明然而後

屬蹶遠視宗族如塗人其初以兄弟一身分爲各派

豈可以塗人視之乎誠可歎也故我 王考護軍公

諱德基以修譜之意與僉宗屢次發論竟未遂甲申

夏四月卒此亦吾門之不幸也余恆竊追慕經紀十

有餘年果未能何幸今秋七月日宗人琦錫來余以

修譜爲言此豈非同氣相求同聲相應者耶以是宗

議齊發各派文蹟一一收拾考覽筆則筆削則削是
乃春秋之大義也故以爲剗剔就緒祖宗之來歷子
孫之行列昭載於一部簡編恍然若萬川之一源千
枝之同根此老泉所謂季恉之心油然而生者耶極
敘敦睦以副修譜之本意云爾

歲在丁酉十一月 日不肖后孫璜澤泣血謹

跋